



बिश्वाश री ज़ीत।

भाग-1



छुट्टी रै दुसै पेटारऊँ केखी शिकणेखी परमेश्वर रॉ बचन री किताब।
Teach the word of God to the Children in Bagri language. (Level-1)

साल-: 2020
छापियन्दी किताबिऊँ री गिनती

तियार कॉरणै वाळों
सतसंग आदारित साक्षरता समू

परकाशण:-
बंगाणी मसी समिति समू
त्यूणी (उत्तराखण्ड)

दुई बुशै

परमेश्वर री दया कई आमै बंगाणी इलाकेदी मसी समू रै साथै मिलिय शिक्षा रै इलाकेदी परमेश्वर री महिमा करणे खी आमकै अलग-अलग ज़ागा दी सेवा करणै राँ माँकाँ मिलौ। ऐ किताब बिश्वाशी पेटारऊँ दियान दी थॉईय तिऊंरी उमर देखिय चीन भाग दी तियार कौरियन्दी, एज़ी किताबी राँ बिशै “बिश्वाश री ज़ीत” दी तियार करियन्दी। ईन्दै जुण्ज़ी कांणी गीनियन्दी सै सारी बाईबल री कांणियें, एज़ी कांणी कई आमु अज़ी बी बिश्वाश दी बड़ने खी मदद करै। एज़ी किताब आमारी सतसंग रै बिश्वाशी पेटारऊँ परमेश्वर रै बचन दी बड़ने खी अज़ी बिश्वाश दी पाकाँ बणने खी मदद करै। पेटारै छोटिओराँ कई परमेश्वर राँ प्रेम अज़ी डार दी अगऊँ बाँड़ै लै एसखी आमारी एज़ी कोशिशै

सतसंग आदारित साक्षरता समू

विसय-सूची
बिश्वाश री जीत।

भाग-1

- 1 दाऊद रॉ बिश्वाश
- 2 शेडै रॉ बिश्वाश

भाग-2

- 1 दानिएल रॉ बिश्वाश
- 2 यार्डैर रॉ बिश्वाश

भाग-3


- 1 परमेश्वर रॉ बग्तै रॉ बिश्वाश
- 2 हन्नर रॉ बिश्वाश

पाठ 1 दाऊद रॉ बिश्वास

1शमूएल 17:31-54




बॉरी साल अगॉणिकै इस्राएल देश दी दाऊद नऊँ रॉ एक माऊँ रॉयै थॉ। सेऊ आपडै बाईऊँ माई कई सारिऊँ कई छोटॉ थॉ। सेऊ परमेश्वर रॉ डॉर मानै थॉ। सेऊ बेडूँ चरा थॉ। सेजै बक्ते दी इस्राएली अज़ी पलिशितऊँ रै बिच्चे दी लड़ाई आँयै थी। एक दूस दाऊद आपडै बाईऊँ कई लड़ाई रै मैदान दी डैअ। तिणी देखॉ कि गोलियत नऊँ रॉ एक बड़ॉ लाम्बॉ माणूछ इस्राएलिऊँ री सैनाई रॉ थॉ लॉलकारदै लागी। तैबै दाऊदेई तेसरी




लॉलकार शुणिय बोलॉ, “आऊँ जुटिऊ ऐसारी अज़ी एस आऊँ ज़ाँगू।” तैबै दाऊदेई आथे दी डिंगॉ अज़ी **फिंकू** (गोफन) नीय अज़ी खॉट्टै कई पाँच ढोळ टिपिय गोलियत रै साथै जूटिन्दै डैअ। तैबै गोलियतेई दाऊद देखिय बोलॉ “(तू, मेरै साथै कुकूर समज़ीय

जूटिन्दै आअ का?) एशॉ बोलिय गोलियत दाऊदेई डॉरान्दै लागॉ पर दाऊद ना डरॉ।” अज़ी बोलॉ एत्रारै दुसै परमेश्वर ताऊँ मेरै आथे दी दै लॉ अज़ी आऊँ ताऊँ पोरु ज़ाँगू।





तैबै दाऊदेई एक ढोळ फिंकू
(गोफन) दी
पाईय एशॉ
फिरकाअ कि
ढोळ तेसरै
कपाळेदी
बित्रै डैअ।



अज़ी दाऊदेई तेसिरी तलवारी कई
सेऊ ज़ांगी देणॉ तैबै पलिशती लोग
डॉरिय पोरु बागै, ऐशेशै कई दाऊद कै बिश्वाश री बज़ै कई ज़ीत मीली।




शिकणै वाळी बुशै:-

- परमेश्वर आमारे साथै रॉयै, एज़ी बज़ै कई आमुं डॉरणं ना च़ाई।
- बिश्वाश री बज़ै कई आमकै ज़ीत मिलै।

दाऊदेई पलिशितऊं खी फिंकू (गोफन)
अज़ी एकाई ढोळै कई तिणी गोलियत ज़ांगी
देणॉ, बल्कि दाऊद रै आथे दी तलवार बी
नथी ना थी।

1 शमुएल 17:50





पाठ 2

शेड़ै रॉ बिश्वाश

लूका 18:35-43



एक बैरै ईशु यरीओ बाटी डेन्दै रॉ थॉ लागी। तैबै एक शेड़ॉ बिखारी शड़किरी कुन्यारी दी बोशिय बीख रॉ थॉ माँगदै लागी। बीड़ तेतरा सेज़ी बाटी डेन्दी रॉई थी लागी। तैबै शेड़ैई बीड़ री आवाज़ शुणिय पुछॉ कि एऊ का रॉ आँन्दै लागी? तैबै लोगुवें तेसारी बोलॉ, ईशु मसी रॉ डेन्दै लागी। तैबै शेड़ैई



लॉलियाईय बोलॉ, “ए ईशु मूँदी दया कॉर।” तैबै लोग तेसारी डॉराऊईय बोलदै लागै, चूप रॉऊ पर सेऊ अज़ी बी ज़ोरै कई लॉलियान्दै लागॉ। “ए दाऊदियाटा मूँदी दया कॉर।” तैबै ईशु रुकॉ अज़ी लोगू आरी बोलॉ, एस मुकाई आणॉ। तैबै तिऊँ सेऊ ईशु काई आणॉ, ईशुई शेड़ै माणूछै कई पुछॉ कि तू का च़ायै कि आऊँ ताऊँखी कॉरु। तैबै शेड़ैई बोलॉ, कि आऊँ देखणॉ च़ाऊँ। तैबै ईशुई तेसारी बोलॉ कि देखदै लाग। तेरै बिश्वाशेई तू ठीक कीय। तैबै सेऊ तेत्राई देखदै लागॉ। तैबै सेऊ परमेश्वर री तारीफ करीय ईशु रै



पछ़णिकै आन्डदै लागॉ। तैबै सारै लोगुवें एशॉ देखिय परमेश्वर रै गीत बज़न लान्दै लागै। ऐशेशै कई शेड़ॉ आपड़ै बिश्वाश री बज़ै कई देखदै लागॉ।



शिकणै वाळी बुझै:-

- आमकै बिश्वाश री बज़ै कई च़ंगाई मिलै।
- आमुँ मुसीबत दी ईशु खी जा आँटाईणै।

ईशुई तेसारी बोलॉ, “देखदै लाग।”
तेरै बिश्वाशेई तू ठीक करीगो।

लूका 18:42



